

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十七屆全港詩詞創作比賽」，已是第十四度的「律詩比賽」。評審委員有何文匯教授、陳志清教授、陳煒舜教授、黃坤堯教授、鄧佩玲教授及劉衛林教授。

比賽分學生組及公開組，題材由參加者自定，五言或七言律詩不拘，用韻則限用「六魚」及「七陽」二韻。是屆的參賽者非常踴躍，共收到千多份參賽作品。學生組的參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，評審過程均以糊名方式進行。評判團更約見學生組入選參賽者，並請學生們即席對聯，才定出優勝作品。

學生組

冠軍

〈仲春遊香港花展有作〉

霍詠儀 香港樹仁大學

人生豈可負韶光，信步維園百慮忘。
日暖疏籬松未綠，風輕曲徑菊先黃。
誰知水上蜻蜓落，自是池中菡萏香。
只恐年來春晝短，逍遙一夕又何妨。

亞軍

〈重遊〉

邱嘉耀 香港中文大學

廉纖宿雨溢池塘，倚醉踟躕意未忘。
風入琅玕疑珮響，雲移碧落訝春涼。
夢中重認前塵誤，別後始知今夜長。
交甫昔時應有淚，扁舟怕近漢皋航。

季軍

〈青山紅樓拆卸風波〉

梁采珩 香港中文大學

消息飛來卻不祥，匆匆人去壞垣牆。
油燈木案謀奇局，白角青山隱大荒。
憶昔風雲多叱吒，只今花木也淒涼。
春來又綠誰家草，記否丹心換淚行。

優異獎

〈闕題〉

王宇軒 皇仁書院

絮落芳菲盡，思君歲月餘。
瑤姬應託夢，柳毅未傳書。
眺遠秋山隔，憑欄桂影疏。
蛾眉若憐我，忍見玉簾虛。

優異獎

〈詠沙田公園鯨魚石雕〉

岑昆倫 恒生管理學院

石鯨孤對日，獨立百年僵。
既羨池魚躍，還歎野鳥翔。
風雲皆感慨，雨露共哀傷。
喚得驚濤起，隨波出碧塘。

優異獎

〈期末感懷〉

廖韋堯 香港城市大學

留春計短益神傷，課業纏身負艷陽。
園有花情添麗景，人無筆意賦新章。
歛眠案上朝朝懶，落得燈前日日忙。
繼晷孜孜追漏夜，殘鶯催發赴闌場。

優異獎

〈氣候暖化怪象〉

蔡奕婷 香港大學

臘月風和夕未涼，徐行野里陌無霜。
斜陽尚照青樟影，遠岫猶傳白芍香。
墨蝶張翎縈蕙芷，藍鷓築室寄榆枋。
朱明淑景玄英現，四序遷流忽異常。

優異獎

〈冬日遊遮浪半島有感〉

嚴瀚欽 嶺南大學

獨立寒礁意未遑，海天向晚笑行郎。
弄潮聲裡聽鴻遠，說夢樽前吹袖涼。
半島凝神千里雪，孤帆搖影五雲鄉。
江湖不載離人淚，衣帶當風一醉狂。

特別獎

〈丁酉雞年柏架山道自然徑踏青有感〉

游煒嵐 香港教育大學

蒼山麗水隱城墟，摹聖尋春拋卻書。
日暖風清雲化美，魚游獸動鳥飛徐。
凝神始識天靈氣，踏翠方思五柳居。
昔為千鍾枯體智，未知安步可當車。

特別獎

〈觀〈九十風華帝女花〉有感〉

劉浚渠 香港中文大學

柳絮猶存帝女香，風流儒雅少年郎。
絲絲點翠鑲前事，疊疊辭泥印舊堂。
雛鳳搏雲爭日月，佳人擔道惜文章。
梨園春夢豈能了，一曲琴音淚兩行。

*優異獎及特別獎排名按姓氏筆劃序

冠軍

〈遠山望木棉樹〉

李瑞鵬

老樹蒼蒼對遠岡，英華斂盡尚昂藏。
性原耿介何妨直，花到清高不仗香。
硬朗獨輕三伏日，嶒嶸寧怯九秋霜。
倚天照海無窮意，四顧巍然立夕陽。

亞軍

〈秋逸〉

陳偉祥

簾捲西風小閣涼，芸牕靜日理繡箱。
素箋披案鈐朱白，雛菊盈瓶插紫黃。
新墨細臨松雪帖，古瓷慢沏桂巖香。
茶書兩逸三秋樂，不用東籬覓酒觴。

季軍

〈丁酉暮春禮賓府開放日看花有懷〉

杜文彬

碧瓦金窗白玉堂，高樓繞府蔽天光。
塵封百載前朝事，蕊吐三春故苑香。
彩卉菲菲妝粉綠，遊人戚戚議藍黃。
東風不解興衰意，吹皺園中錦鯉塘。

優異獎

〈胥務紀實〉

李裕韜

倦筆枯眸月上初，挑燈廢食意難舒。
牘箋盈案堪為枕，署室關門即是居。
督吏相催言切峻，議郎交迫理空疏。
徒勞縶務心魂折，待久駟騏亦蹇驢。

優異獎

〈乘電車偶記〉

李敬邦

閒坐窗前拂面涼，昏黃風景一張張。
街眠黑狗人流少，門撲蒼蠅馬友香。
往事相連沿路軌，新詩未就倚車廂。
靜心慢活無顛簸，乘客悠然入夢鄉。

優異獎

〈中環電梯〉

施教農

鬧市天梯動，迢迢二里餘。
風能飄領帶，雨不濕裙裾。
窄路無驚險，高山更好居。
行吟三五夜，月色滿階除。

優異獎

〈南山〉

鄔式窩

守拙歸田里，南山結草堂。
力耕培稻麥，開講課蠶桑。
芳樹緣溪綠，蒼松入戶涼。
明窗高枕卧，一夢到羲皇。

優異獎

〈還鄉〉

潘少孟

遠走關河外，離家歎索居。
殊方嘗乳酪，秋氣憶鱸魚。
遮眼千山樹，安心一紙書。
料知鄉味好，歸客備舟車。

特別獎

〈蝸居銘〉

李婉君

三尺蘭舟四面牆，上懸衣架下藏箱。
飛蟲戴月為閒客，羅袖鋪書共墨香。
窗小籠雲能萬里，才疏營役有餘糧。
今人不羨劉郎舍，蝸國無爭是我鄉。

特別獎

〈地鐵通車〉

杜鑑深

地龍今已接，速運勝鸞輿。
頓改南荒鄙，猶通北市居。
莫嫌人語鬧，更喜鳥聲噓。
難辨城鄉界，乾坤本太初。

第二十七屆

全港詩詞

創作比賽

律詩

獲獎作品

*優異獎及特別獎排名按姓氏筆劃序